



## "HORMATI ORANG TUA".1

<p>الْحَمْدُ لِلَّهِ الْقَائِلِ: ﴿وَلَقَدْ كَرَّمْنَا بَنِي آدَمَ وَحَمَلْنَاهُمْ فِي الْوَبْرِ وَالْبَحْرِ وَرَزَقْنَاهُمْ مِّنَ الطَّيِّبَاتِ وَفَضَّلْنَاهُمْ عَلَىٰ كَثِيرٍ مِّمَّنْ خَلَقْنَا تَفْضِيلًا﴾ ﴿٧٠﴾</p>	2
<p>أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ أَجْمَعِينَ</p>	3
<p>أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٠٤﴾</p>	4
<p><b>Muslimin yang dirahmati Allah sekalian,</b></p> <p>Saya berpesan kepada diri saya dan hadirin jemaah sekalian marilah bersama-sama kita memperkasakan ketakwaan kita kepada Allah SWT dengan sebenar-benar takwa dengan melaksanakan segala perintah-Nya dan menjauhi segala larangan-Nya. Mudah-mudahan kita mengecapi kebahagiaan di dunia dan di akhirat.</p>	5
<p>Mimbar pada hari ini akan membicarakan khutbah yang bertajuk "<b>HORMATI ORANG TUA.</b>"</p> <p><b>Hadirin Jumaat yang dirahmati Allah</b></p>	6
<p>Ajaran Islam mengajar kita untuk menyayangi dan menghormati orang tua. Hormat bermaksud memandang tinggi kepada seseorang dengan memberi layanan yang penuh sopan, memuliakan, mengetahui batas pergaulan dan beradab.</p>	7



<p>Sikap dan amalan menghormati orang tua merupakan kunci kebahagiaan dan kedamaian dalam hidup. Sikap ini perlu ada pada setiap individu, tidak kira muda, kaya, miskin, berpangkat atau berjawatan. Ia merupakan tuntutan dalam ajaran Islam dan selari dengan prinsip dakwah yang dianjurkan oleh Nabi SAW dalam menghormati dan menyayangi orang tua</p>	8
<p>seperti mana hadis yang diriwayatkan oleh Abdullah bin Amru Radiallahu'anhu:</p> <p style="text-align: center;">ارْحَمُوا مَنْ فِي الْأَرْضِ يَرْحَمَكُم مَّن فِي السَّمَاءِ</p> <p><i>"Sayangilah semua yang ada di bumi, maka semua yang ada di langit akan menyayangimu."</i></p> <p style="text-align: right;"><i>(Riwayat al-Tirmizi).</i></p>	9
<p>Nilai atau rasa hormat kepada orang tua, boleh diterjemahkan dalam pergaulan dan hubungan harian di mana sahaja mereka berada sama ada di masjid, tempat awam dan sebagainya.</p> <p>Terdapat banyak cara untuk menghormati orang tua seperti memanggil mereka dengan gelaran serta panggilan yang baik dan selayaknya bagi mereka. Semasa berinteraksi dengan orang tua, kita mesti peka dan prihatin dengan umur mereka. Kadang kala kita terlupa bahawa jurang umur menjadi faktor berlakunya komunikasi yang kurang berkesan. Bercakaplah dengan bahasa yang sopan dan merendah diri. Jika ada perkara yang tidak betul yang dilakukan oleh mereka dan kita ingin menasihati mereka, gunalah saluran yang betul serta menjaga adab yang baik seperti menggunakan bahasa yang lemah lembut.</p>	10



<p>Ini kerana, orang tua merupakan golongan yang sensitif dan perlu disantuni dengan sebaiknya. Begitu juga, berjalanlah di belakang atau di sisi mereka dan bukan di hadapan orang tua sebagai tanda hormat. Jika dinasihati, jadilah pendengar yang baik meskipun kadangkala kita tidak bersetuju dengan apa yang dibicarakan. Apa yang penting, jangan sesekali menjatuhkan air muka dan maruah mereka dengan memalukan mereka di khalayak ramai. Mereka golongan yang berhak dihormati dan dimuliakan. Apabila hilang rasa hormat, maka lahirlah sifat sombong dan bongkak.</p>	11
<p>Orang yang tidak mempunyai kasih sayang tidak akan disayangi. Ini ditegaskan oleh Nabi SAW melalui hadisnya daripada Abu Hurairah Radiallahu'anhu bahawa Rasulullah SAW bersabda:</p> <p style="text-align: center;">إِنَّ مَنْ لَا يَرْحَمُ لَا يُرْحَمُ</p> <p style="text-align: center;"><i>"Sesungguhnya sesiapa yang tidak mengasih, maka dia tidak akan dikasih."</i> (Riwayat al-Bukhari)</p>	12
<p><b>Hadirin Jumaat yang dirahmati Allah,</b></p> <p>Perlu kita sedari, menghormati orang tua termasuk dalam amalan-amalan sunnah. Perkara ini diperingatkan oleh Nabi Muhammad SAW dalam hadisnya daripada Ibnu Abbas Radiallahu'anhuma bahawa Rasulullah SAW bersabda:</p> <p style="text-align: center;">لَيْسَ مِنَّا مَنْ لَمْ يَرْحَمْ صَغِيرَنَا وَيُوقِّرْ كَبِيرَنَا وَيَأْمُرْ بِالْمَعْرُوفِ وَيَنْهَ عَنِ الْمُنْكَرِ</p>	13
<p><i>"Bukanlah termasuk golongan kami, mereka yang tidak mengasih anak-anak kecil kami dan tidak pula menghormati orang tua kami, serta tidak menyuruh yang makruf dan melarang yang mungkar."</i></p> <p style="text-align: right;">(Riwayat al-Tirmidzi).</p>	14



<p>Semenjak akhir-akhir ini, sikap menghormati orang tua semakin terhakis dalam masyarakat khususnya kepada golongan remaja. Mereka dilihat seolah-olah tidak terdidik dengan sikap menghormati orang tua. Saban hari, kita melihat amalan yang pernah dijadikan amalan yang baik sejak zaman berzaman tidak dipraktikkan lagi pada hari ini. Ia semakin hilang dan tenggelam dalam arus pemodenan seperti amalan meminta izin jika melintasi dihadapan orang tua. Selain itu, senario yang dapat dilihat adab berbicara pengguna-pengguna media sosial seperti tidak menghormati orang yang lebih tua yang mempunyai banyak pengalaman dalam asam garam kehidupan. Terdapat bahasa cercaan, hinaan dan kata-kata kasar bersifat emosi kerana amarah yang menyinggung perasaan orang tua.</p>	15
<p>Ini merupakan satu situasi sedih terhadap anak-anak muda yang tidak mempamerkan akhlak yang baik terhadap orang tua. Pada hari ini, ramai ibu bapa yang berlumba-lumba mahu melahirkan anak-anak yang pintar dan mahir dalam pelbagai bidang jawatan dan kedudukan namun terlupa untuk menerapkan nilai-nilai murni dalam kehidupan anak-anak. Amalan hormat-menghormati, saling membantu, mengetahui batasan pergaulan dengan orang tua, adab bercakap bukan lagi menjadi perkara utama dalam kehidupan.</p>	16
<p>Perlu diingatkan amalan menghormati orang tua sangat ditegaskan oleh Nabi SAW melalui hadisnya yang diriwayatkan oleh Ibnu Abbas Radiallahu'anhuma bahawa Rasulullah SAW bersabda:</p> <p style="text-align: center;">إِنَّ جِبْرِيلَ عَلَيْهِ السَّلَامُ أَمَرَنِي أَنْ أُكَبِّرَ</p> <p style="text-align: center;"><i>"Jibril telah menyuruhku untuk mendahulukan orang-orang yang lebih tua."</i> (<i>Riwayat Ahmad</i>).</p>	17



<p>Dalam menghadapi suasana ketika ini, marilah sama-sama kita luangkan masa untuk berusaha menziarahi orang-orang tua di kawasan persekitaran dan kejiranan kita. Boleh jadi ada dalam kalangan mereka yang terkesan hidupnya tanpa dipedulikan. Rebutlah peluang untuk menyantuni mereka dengan bertanya khabar serta menunaikan hajat keperluan mereka. Mereka golongan minoriti yang terabai akibat hidup bersendirian dalam kedaifan. Maka, inilah peluang untuk menghulurkan bantuan.</p> <p><b>Muslimin yang dirahmati Allah sekalian,</b></p>	18
<p>Keutamaan yang sewajarnya perlu diberikan kepada orang tua. Dorongan dan sokongan bersifat dalaman dengan kasih sayang, bertanya khabar, selain membantu meringankan beban dan tekanan emosi. Begitu juga, keutamaan membantu orang tua yang tidak mempunyai waris atau telah ditinggalkan oleh anak serta tiada saudara mara yang datang menziarahi mereka. Akhirnya, mereka ditempatkan di rumah dan pusat kebajikan tanpa kerelaan bagai layang-layang terputus talinya. Maka, situasi ini mengundang kesedihan berpanjangan hingga ke akhir hayat mereka. Apa yang mereka harapkan kebahagiaan dan ketenangan hidup di penghujung usia namun segala impian sukar menjadi kenyataan.</p>	19
<p>Walaupun peranan dan tanggungjawab sebagai anak telah dititikberatkan sejak di bangku sekolah lagi supaya menunjukkan sedikit belas dan ihsan serta keprihatinan dengan menjaga kebajikan mereka. Namun begitu, terdapat segelintir masyarakat apabila ibu bapa telah tua anak-anak mula mementingkan diri sendiri lalu mengambil jalan singkat dengan menghantar mereka ke pusat jagaan, ditinggalkan di hospital, masjid atau di tempat awam. Terdapat dalam kalangan waris menyerahkan sepenuhnya tanggungjawab kepada pusat jagaan untuk menjaga mereka dan tidak lagi menjengok atau bertanya khabar atas pelbagai alasan sehingga mereka meninggal dunia.</p>	20



<p>Oleh itu, sayangilah dan hormatilah orang tua kerana ia merupakan amalan yang sangat mulia di sisi Allah SWT. Manfaatkanlah sisa umur kita untuk menghormati orang tua kerana sudah pasti suatu hari nanti kita juga akan merasa tua dan melalui baki umur terakhir dalam kehidupan.</p> <p><b>Hadirin Jumaat sekalian,</b></p>	21
<p>Antara pengajaran daripada khutbah hari ini untuk dijadikan pedoman dalam hidup kita adalah:</p> <ol style="list-style-type: none"><li>1. Setiap muslim hendaklah menjadi individu yang menghormati orang tua untuk jaminan kebahagiaan hidup di dunia dan di akhirat.</li><li>2. Setiap muslim hendaklah sedar bahawa menghormati orang tua adalah amalan dan perbuatan yang baik dan mulia bahkan dituntut oleh Islam.</li><li>3. Umat Islam hendaklah memupuk sikap saling menghormati dan bertoleransi antara golongan yang tua dengan golongan yang lebih muda.</li></ol>	22
<p>أَعُوذُ بِاللَّهِ مِنَ الشَّيْطَانِ الرَّجِيمِ وَوَصَّيْنَا الْإِنْسَانَ بِوَالِدَيْهِ إِحْسَانًا حَمَلَتْهُ أُمُّهُ وَكُرْهًا وَوَضَعَتْهُ كُرْهًا وَحَمْلُهُ وَفِصَالُهُ ثَلَاثُونَ شَهْرًا حَتَّىٰ إِذَا بَلَغَ أَشُدَّهُ وَبَلَغَ أَرْبَعِينَ سَنَةً قَالَ رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَىٰ وَالِدَيَّ وَأَنْ أَعْمَلَ صَالِحًا تَرْضَاهُ وَأَصْلِحْ لِي فِي ذُرِّيَّتِي إِنِّي تُبْتُ إِلَيْكَ وَإِنِّي مِنَ الْمُسْلِمِينَ ﴿١٥﴾</p>	23



<p><i>“Dan Kami wajibkan manusia berbuat baik kepada kedua ibu bapanya; ibunya telah mengandungnya dengan menanggung susah payah dan telah melahirkannya dengan menanggung susah payah. Sedang tempoh mengandungnya beserta dengan tempoh menceraikan susunya ialah dalam masa tiga puluh bulan. Setelah ia besar sampai ke peringkat dewasa yang sempurna kekuatannya dan sampai ke peringkat umur empat puluh tahun, berdoalah ia dengan berkata: "Wahai Tuhanku, ilhamkanlah daku supaya tetap bersyukur akan nikmatmu yang engkau kurniakan kepadaku dan kepada ibu bapaku, dan supaya aku tetap mengerjakan amal soleh yang Engkau redai; dan jadikanlah sifat-sifat kebaikan meresap masuk ke dalam jiwa zuriat keturunanku. Sesungguhnya aku bertaubat kepadamu, dan sesungguhnya aku dari orang-orang Islam (yang tunduk patuh kepadamu).”</i></p> <p style="text-align: right;"><i>(Surah al-Ahqaf : 15).</i></p>	24
<p>بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.</p>	22
<p>أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ</p>	23



## KHUTBAH KEDUA

<p>الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.</p>	1
<p>اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.</p>	2
<p>أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.</p>	3
<p>Sekali lagi khatib ingin mengingatkan supaya sama-sama kita sentiasa bertaqwa kepada Allah SWT dengan mengawasi diri dan keluarga kita daripada perbuatan keji dan maksiat. Dalam masa yang sama kita terus berdoa agar seluruh negara kita sentiasa dirahmati dan dilindungi daripada segala bentuk ancaman serta penularan wabak Covid-19.</p>	5
<p>Mudah-mudahan kita tergolong dalam kalangan hamba-hamba Allah yang bersabar ketika menempuh segala penyakit yang menimpa, berdisiplin dengan sentiasa mematuhi SOP dan ambillah pengajaran atas apa yang berlaku, berhati-hati dan beringatlah selalu walau kita diberi sedikit kebebasan untuk bergerak. Ini kerana Negara masih memerangi wabak Covid-19 ini demi keselamatan diri kita serta masyarakat keseluruhannya.</p>	7
<p>Bagi yang terkesan dengan wabak ini, janganlah mengambil jalan mudah dengan memudarut dan menyakiti diri sendiri. Kita mestilah berjiwa besar, sabar dan kuat mental serta fizikal berasaskan keimanan yang mantap.</p>	8





Marilah sama-sama kita memperbanyakkan selawat ke atas junjungan besar Nabi Muhammad SAW kerana perintah Allah dalam firman-Nya :	9
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾	10
اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.	11
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.	12
اللَّهُمَّ أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ وَدَمَّرْ أَعْدَاءَكَ أَعْدَاءَ الدِّينِ. وَأَنْصُرْنَا عَلَى الْقَوْمِ الْكَافِرِينَ.	13
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةِ، وَبِحِفْظِ وَقَايَتِكَ الصِّمْدَانِيَّةِ،	14
جَلَالَةَ مَلِكِنَا الْمُعْظَمِ، سُلْطَانَ سَلَاطُونَ، سُلْطَانَ شَرَفِ الدِّينِ ادریس شاه الحاج ابن المرحوم سُلْطَانَ صَلَاحِ الدِّينِ عبد العزيز شاه الحاج.	15



<p>اللَّهُمَّ أَدِمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنْكَ، لِيُولِيَّ عَهْدِ سَلَاطُونَ، تَغْكُو أَمِيرِ شَاهِ ابْنِ السُّلْطَانِ شَرْفِ الدِّينِ ادريس شاه الحاج،</p>	16
<p>فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلُ عُمْرَهُمَا مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.</p>	17
<p>Ya Allah, Engkaulah Tuhan yang Maha Berkuasa, kami bersyukur kehadiran-Mu yang telah mengurniakan rahmat dan keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.</p>	18
<p>Ya Allah, jadikanlah kami ini hamba-hamba-Mu yang sentiasa meninggikan kalimah dan Agama-Mu. Hindarilah kami dari kelompok dan golongan yang suka mencela, mencaci dan menghina Agama-Mu</p>	19
<p>Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).</p>	20
<p>اللَّهُمَّ يَا دَافِعَ الْبَلَاءِ، اذْفَعْ عَنَّا هَذَا الْوَبَاءَ وَالْبَلَاءَ وَالْمَرَضَ وَالشَّدَائِدَ وَالْمِحْنَ، بِلُطْفِكَ يَا لَطِيفُ إِنَّكَ عَلَى كُلِّ شَيْءٍ قَدِيرٌ وَبِالْإِجَابَةِ جَدِيرٌ.</p>	21



<p>رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٢٠١﴾.</p>	22
<p>عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾</p>	23
<p>فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.</p>	24



*Khutbah Jumaat 1 Okt. 2021M / 24 Safar 1443H: "Hormati Orang Tua".  
Jabatan Agama Islam Selangor*